

介公委座夫子正鑒

著者謹呈

三月十日

改良新法實施方案

右任

任光甲

2646

改良縣政實施方案緊要啟事

本書自民國十一年構思以來。十八年如一日。出版八次。原著卅萬言。聯村自治法四版時。縮成十一萬言。治縣方策縮成七萬言。理想憲法縮成三萬五千言。本版縮成萬五千言。用大小兩種字印成。讀者如乏時間。請只讀大字約三千八百言。再乏時間。請讀大字至第六條止。約二千言。如備此二千言。亦不肯讀。是謀國無誠意矣。昔李斯謀不終於秦而秦亡。荆公法不終於才而宋亡。戊戌政策不行於清而清亡。李斯王安石譚嗣同地下有知。抱恨終天。著者目覩東北之亡。京滬之退。武漢之陷。半壁河山。瘡痍滿目。飢溺載道。血肉橫飛。折骨斷肢。攜男扶女。一家哭一路哭已一闕哭矣。何等悲壯。抗敵機會。只此一次。危急存亡。千鈞一髮。及茲不圖。富強無日矣。恥爲籠統理論與不負責任之破壞批評。爰作設身處地因病製方之實施方案。讀者以爲是。請援助實施。以爲非。請盡法懲治。熱視若無覩。竊砒砒以爲不可。或謂本書過於簡單。對教育交通工商農礦水利森林警衛生國防設計等。均無詳明辦法。掛一漏萬。答曰。繁言不要。要言不繁。易云。乾以易知。坤以簡能。易則易知。簡則易從。易簡而天下之理得矣。本書以少變原有制度爲原則。凡新立之條。均原制所絕無。况富強爲庶政之本。富強則百廢畢興。貧弱則百舉皆廢。此經濟財政。經濟保甲。經濟民權。所以爲本方案發軔也。又查本書對著者。截至現在止。害多於利。金錢名譽職業精力之損失。頗難計數。從來造法修史之人。甚少善果。著者一再申論。曾一度化名出版。熱思亦非長策。明知其不可爲而爲之者。國步日艱。損小我以益大我。果致富強。死生且非所計。遑論其他哉。限於經費。未印圖點。請讀者圖點一過。再下批評。中華民國二十八年四月任光甲啓。

通信處重慶觀音岩行政院非常時期服務團。

從政塔梯

林森



MIG
D693 62
1598



3 2168 9638 5

改良縣政實施方案目錄.....頁數

改良縣政實施方案.....	一
第一期經濟財政計四條限兩月辦竣.....	二
三賑消費單一稅及科妄受與理由.....	七
不稅理由.....	八
本期預期結果有六.....	九
第二期經濟保甲計六條限兩月辦竣.....	九
清財濟貧農村信用合作理由.....	一六
懲五門毆負責減匪理由.....	一六
限定恆產保婚規定生養教費懲治出賣兒女取締婚喪浪費理由.....	一六
取消子女繼承責成保長保全遺產理由.....	一七
迷信兩可理由.....	一七
本期預期結果有二十.....	一八
第三期經濟民權計二條限兩月辦竣.....	一九
按財產資格選舉理由.....	二一
各級長官兼各級議員及上下均權理由.....	二二
改良縣政實施方案目錄.....	一

改良縣政實施方案 目錄

二

保官連坐理由	二二七
本期預期結果有三	二二二
全案結論	二二三
著者恆言十則	二二六
敬請讀者三事	二三一
敬問讀者十事	二三四
改良縣政實施方案與國民精神總動員	二三五
改良縣政實施方案與最後勝利	二三九
改良縣政實施方案與現行法令	二四六
改良縣政實施方案與憲法	二五〇

改良縣政實施方案

遼寧任光甲著

今中國患在強敵。試問何以能佔領中國十餘省。曰以飛機多槍砲利軍隊強。更問何以多且利而強。曰以經濟優裕。政治安定。我國廣土衆民。物豐文茂。國際多助。領袖聰明。竟不能勝此比例十分之一之敵。可恥孰有甚於此者（案吾所謂勝。非五年後。十年後。甚至如有清統治二百六十八年後。辛亥革命之勝。敵人在中國橫行一日。便是一日之恥）此中自有其故。應深究而廓清之。今之恆言曰。有錢出錢。有力出力。試問誰是有錢人。富力如何。人數若干。應用多少。出錢後作何用。是否全以購飛機大砲唐克車。而無中飽之患。均無明文規定。國難嚴重如是。所賴以救濟者。僅少數樂捐。且乾沒侵吞。所在多有。領回扣。填虛票。幾成各衙門庶務會計公開秘密。何異杯水車薪。欲鳩止渴。善夫何主席成濬曰。中國政治爲一部貪汚史。共信不立。宜乎互信不生。泊其已敗。公私財產。全以資敵。痛心事尙有甚於此者乎。如謂我國真貧。煙費賭費訟費嫖費淫信費賄賂費貪贓費敗家費剿匪費。統計其數字。駭人聽聞。不啻千百樓房。鉅萬鐵路。億噸輪船。無數飛機。不可名言之軍火軍需。糜費焚燬於酒地花天。噴雲吐霧。戕生送死。自禍禍人之矛盾現象中。此可爲智者道。難爲俗人言也。不寧惟是。散兵游勇。擾亂後方。大盜漢姦。通敵跋扈。使國力自相抵消。同歸於盡。所謂有

力出力。結果如是。而反動邪說。離黃信口。尤人怨已。蠱惑是非。罄竹難書。造亂人多。闖強人少。光甲心焉痛之。羞爲空虛理論。矢志坐言起行。此改良縣政方案之所爲作也。出版十次。歷有年所。發行近萬冊。海內名流。胥調殆徧。審查立案。祭費周章。多蒙贊同。惟迫於生計。未及切實請求實行。原名聯村自治法。繼名治縣方案。又名理想憲法。茲國難日亟。爲肅清貪墨。剷淨漢姦。實現大同。謀求平等。分三期實行。當時六月。第一期。經濟財政。第二期。經濟保甲。第三期。經濟民權。共十二條。試而不驗。請治甲罪。驗而不行。責在有司。事關富國強兵。幸海內名賢批正之。

第一期經濟財政計四條限兩月辦竣

今戰事方酣。試問全國分文之款。是否全以抗敵。絲毫之力。是否全以拒寇。前方血肉橫飛。後方吃喝嫖賭。甚至造內亂。作漢姦。爲敵人張目。吸鴉片。反宣傳。以自速危亡。以此爲國。焉怪其敗。卽就縣政言。餽滿百出。前視察鄂西十幾縣吏治。親目所見。親耳所聞。可爲痛哭流涕長歎息者。臚陳如左。一、田賦爲稅收大宗。詢之田夫野老。未完納者。千無其一。而各縣呈報。最多不過數成。捐票零亂。附加紛繁。手續困難。靡費不貲。累年不能數其票。畢世無以燭其姦。某縣長連任三年。餘資五萬。二、保甲爲治安命脈。各縣長視爲耳食。視察到縣。始通令各戶張貼保甲牌。入數

不符。年貫錯亂。異動各表。均付缺如。詢之全縣戶口。瞠目不能答。全縣財產。更渺如滄海。然保甲費每戶動則數角。城區牆壁。大書保甲規約。煞有介事。而在符滿縣。跣步難行。三、烟賭之害。恆人皆知。然上至公吏。下至脚夫。幾盡人有癮。到處打牌。某縣長在公堂設賭。招待委員。羣不爲怪。某專署祕書。對特稅之減。嘖嘖嘆息。大有不當禁煙之概。四、人命訴訟。爲民生大苦。某縣長警。多至兩千以上。上下其手。夤緣爲姦。某縣百餘監犯。共一斗室。煥署炎蒸。屢有死亡。某縣長飭警捉賭。草菅人命。竟以坐監。五、識字放足。爲要政之一。社教義教。靡費不貲。然鄉民不識字者。十之八九。農夫蓄髮。幼女纏足。夫興利或有未遑。除弊因何不盡。六、衙門隴礙。街道穢污。水利不興。工商不振。田疇不闢。道路不修。人共豬宿。獸與民同。虛填倉穀。僞報政績。尤書不勝書。七、最足債事者。爲經費祕密。一切賬目。不肯公開。例如防禦工事。預算五萬。經手人用於工事。未必一萬。工事不堅。敵來立毀。牽動全局。是贓錢罪小。誤國罪大也。八、逢迎上憲。擇其所好。魚肉子民。充彼所能。好諂上者必凌下。今而益信。欲證人格破產。請看官場現形。此皆制度罪惡。官吏本人亦何嘗不冤。又何嘗不恨。本方案有鑒及此。欲統制民財。集中民力。使一文錢皆用於抗敵。一毫力皆用於拒寇。一切煙費迷信費取家費剝匪費行賄費貪贓費。移作發展公路鐵路汽車輪船

改良縣政實施方案

四

航空工廠水利森林國防之用。使人不得不勤儉。無法以貪污。故頒三脹。查貪必須人。故設各級查賬員。必週知新辦法。故辦講習會。欲查禁詭譎。故定罰金。欲鼓勵執行人熱心。故以罰金作查賬員獎金。欲觀速效。故限期辦竣。一切辦法。必不得已而為之。如鐘表輪齒。飛機兩翼。缺一則失全效。經此些微困難。可愈富強之基。幸莫泥於故習。憚於惡勞。作表面觀也。爰將本期條文列左。

一、一縣試驗開始時。舉行區長聯保主任聯保書記各保長及全縣教職員講習會（以下保村兩字通用。意義亦同）講明實施辦法。一星期畢業。發給證書。伙食紙墨等費。由縣經費開支。其辦理細則另定之。

二、甲設甲司賬員一人。由甲長自兼。或保舉一人代理。能自行記賬之家。可免攤納該員薪金。保設保查賬員一人。由保長自兼。或保舉一人代理。區設區查賬員一人。由區長自兼。或保舉一人代理。縣設縣查賬員一人。由縣長自兼。或保舉一人代理。其薪額由縣會決定之。尚各該縣區保甲自行發給（縣議會未成立前。由試驗縣長。協同各區長。代行職權）

三、經濟已獨立之人。一人對一人。一年之受與。不得過十元以上（凡元數須經縣會重

新議決。下仿此）違者除迫還原主外。科兩造各一倍罰金（謂之妄受與罪）責任在一造者。由一造認兩造之罰（以下謂兩造者仿此）不論法人自然人。經濟獨立者。得領三賬（出入賬川換賬清物賬謂之三賬。出款入款之賬。謂之出入賬。川換財物之賬。謂之川換賬。物品買賣數目相符之賬。謂之清物賬。此外挪錢還錢。與消費入款不生關係之賬。謂之浮記賬。得用藍筆自寫。附記出入賬內）其經費領賬人自任之。三賬由保查賬員發出。保總賬由區查賬員發出。區總賬由縣查賬員發出。編號記幅加蓋騎縫後註冊。換賬撕賬。科十元罰金。凡出入賬出碼。消費用墨筆自寫。生產（如置買田產集資營商等）用朱筆得他人代寫。月結年總。訛消費爲生產。或匿消費與入款者。科一倍罰金。凡川換除借還物品。不記出入賬外。一切買品賣品。得記出入賬。在川換爲來碼。在出入則爲出碼。在川換爲去碼。在出入則爲入碼。除現金及借還物品外。凡川換來碼。認作消費。去碼認作入款。（例如買東鄰大豆一斗。作本家消費。在川換爲來碼。在出入必爲出碼。賣東鄰大豆一斗。作本家入款。在川換爲去碼。在出入必爲入碼。）違者科一倍罰金。凡清物賬不准以物

易物。所缺之物。認作消費。原物或由原物製成賣品。已賣出或借出。以分記賣錢賬或川換賬者。得查清本家消費部分。非商店無賣錢賬。而記於出入賬者亦同（例如買麵一袋。重四十斤。零斤售出。亦得符四十斤。否則缺數以消費論。如斤數全符。或製成饅首。已賣出或借出。而分記於賣錢賬或川換賬者。得查清本家吃用部分）違者科一倍罰金。其清查辦法另定之。商家賣得現款。均得按法名章。簡記品名數最金額於賣錢賬。日終將現金總額。轉記出入賬內。匿賣者科兩造各一倍罰金。買主自首者免罰。並認爲舉發人。與該管查賬員均分罰款。商家賣得現款。均得置憲櫃內。查賬員不時查款核賬。不符者以匿賣論。得商家自認兩造罰金（記法定姓名。財產數目。職業。某保某甲之章。謂之法名章）凡人衣物。得記簡名購處價目。查賬員不時檢查。違者科原價百分之一罰金。依各人上年出入賬。凡關消費者。按稅率徵稅。作本年度國家經費（謂之消費單一稅）由保查賬員辦理之。區財政由保總稅額提成徵之。縣財政由區總稅額提成徵之。省稅國稅依上年確實統計。由縣經費按期完納。除關稅外。凡非嗜好生產營業稅（例如田賦剪稅鹽稅出口稅牲

畜稅魚稅鹽稅契稅登記稅印花稅所得稅遺產稅等舊式稅）除專條指留者。全免。賭具煙酒馬啡白面香紙等嗜好迷信物。完全取締。違者以偽造文書論。科十倍罰金。就中賭具煙酒香紙等嗜好迷信物。不願取締者聽。但得提高嗜好迷信稅。由縣會議定之（消費單一稅。姑作過渡辦法。俟保遺產或保營區營縣營生產事業發達後。即可不稅。詳後）凡記賬須對造人蓋章。違者科兩造各一倍罰金。與外縣人發生三限關係者。其數額由兩經濟法人保證。方為有效。不符者科原主及兩保各一倍罰金。

四、三限違法罰金。經保查賬員查罰者。作該員獎金。經區查賬員查罰者。除罰原主外。科該管保查賬員同數罰金。全作區查賬員獎金。經縣查賬員查罰者。除罰原主外。科該管區查賬員保查賬員各同數罰金。全作縣查賬員獎金。匿名存款者。准經手查覺之查賬員沒收之。舉發匿名者。准與該管查賬員。平分該罰款。保區縣各須暮鼓晨鐘。作記賬信號。

三限消費單一稅及科妄受與理由 國事之壞。由官邪也。幾乎無官不賊。無事無弊。極弱不振。此其

主因。弊弊最甚者。莫過各衙門庶務會計。領回扣。填虛票。幾成公開祕密。一任縣長。餘款累千。一任廳長。積資鉅萬。而師長軍長腰纏累萬。兇僕難數也。一任清知府。十萬雪花銀。伊古而然。請問來自何處。爲澈底解決食壘。故額三賬。舊式捐稅。概從生產勤儉者入手。一切營業。不堪其擾。常見營商人未及開張。先慮重稅。敗產人衣錦新鮮。到處歡迎。是提倡消費敗家。限制生產創業也。雖云稅多物貴。仍是用物者攤納。然鴿子不知直接有稅矣。今消費愈多者。納稅愈多。自能迫人勤儉。況舊稅有時重征數次。有時偷漏幸免。故科消費單一稅。借館與匪。則爲通匪。然一槍之價才幾何。若受稅鉅萬。其禍豈止捨却哉。是行賄與貪賊。厥罪惟均。故科妄受與。不稅理由。舊制以衙門爲消費機關。官吏衣租食稅。名爲治民。實多擾民。多一衙門。多一害民團體。多一官吏。多一禍民尤物。有心人每視政治爲畏途。寧爲平民。不作官吏。美人鄙視政客。甚於流氓。非過激也。本方案以衙門爲生利機關。其不能生利者。則取消之。官吏如商賈。政府如銀行。生利過多。可以澤民。生利即少。亦足自養。本無需收稅。本期承舊制餘毒。青黃不接。姑作過渡辦法。俟保遺產漸增。或保營區營縣營生產事業發達後。行政經費。教育經費。交通經費。國防經費。俯仰皆足。民安物阜。全國不稅。改良縣政。始爲成功。

本期預期結果有六 一、消費稅能迫人勤儉。至最大限度。二、清物賬能查清物品來源。可發佈單行法。抵制敵貨。甚至外省外縣外區外村之貨。以保持全縣出超。臻於富強。三、出入賬能查清金錢流通。消滅貪贓行賄回扣虛票諸流弊。查禁煙費賭費嫖費迷信費敗家費私買軍火及其他造亂費。移作水利交通工廠農林國防等費。以增生產。充實抗敵力量。四、川換賬清物賬能查清物品流動。杜絕盜竊。增法律人證物證。助警察威力。加治安保障。五、單一稅可免舊式徵稅之繁複中飽。六、查賬員一職。爲民衆多謀生機會。本地方人得本地方薪。利權並不外溢。

第二期經濟保甲計六條限兩月辦竣

茲條論如下。一、古時一人犯罪。九族同誅。似乎太嚴。然爲治安計。有益無損。古人聰明。未嘗不及今人。惟時勢推演。滅族之法。太造冤孽。強今以爲古。甚不可也。本方案有鑒及此。故經濟連坐。例如漢姦燒煤油萬箱。價值十萬。不惟死罪。且沒收其產。賠此十萬損失。不足時。由同連平均賠償。則國家可減損失。人人皆爲義務警察。漢姦雖未必因此絕跡。必較現在銳減。二、中國大患。爲窮人太多。然窮之程度。亦有區別。故澈查各家資產負債表。凡負債之家。由縣銀行代償。以濟赤貧。保持安寧。三、考今之貧困。商店太少。亦其一因。試問何以少。曰以資本缺乏。實則非資本缺乏。

。以可靠人少。讀者平心靜思。設汝有資本千元。欲開設一小舖店。誰可爲經理。倘付之匪人。不惟資本全無。且須再償虧累。用是有資本者。奔誠家鎖。裹足不前。是今世財東並不少。掌櫃太少。故凡掌櫃敗財東股本。除責賠母金利息外。科原額百分之一罰金。今開設店舖大患爲賒賬。十成賒收還未必六成。此因信用不固。故以保長負全保信用總責。凡保內欠債不還者。由保長代償。再由保長向原債務人索償。五、查商家破產。律師會計師從中牟利。他人財產。無故蒙受損失。最足痛心。故凡營業得有資本五倍之保。其係無限公司者免保。破產時保人負連坐賠償之責。則律師會計師少作惡機會。金融自趨安定。六、考今之妄殺。由於妄生。夫人之生也。親養師教而社會成之。本大不易。又從而剷之捕之解之囚之審判之槍殺之。剿費捕費解費囚費審判費槍殺費。損失不貲。寧非人間最矛盾最慘酷最不經濟之事哉。與其當死。何如勿生。例如警察剿匪。財主被劫。或因內亂外患而死。何嘗有可死之罪。然而竟死矣。是謂妄殺。不寧惟是。堯之世比屋可封。紂之世比屋可誅。天無完全無用物。世無不可爲善人。卽匪本身。施以相當教育。改良環境。未必爲匪而死。是亦妄殺也。再問匪何以未受相當教育。無妥善境遇。是不能不歸罪作惡父母。夫父母尊稱也。結婚美事也。欲享尊稱。作美事。不可不負教養之責。故凡父母得任子女法定生養教養。無恆產百元及婚保者。不准結婚。結

婚人死。即以遺產孳子女法定生養教費。不足者得保婚人代之。則孤兒自得保全。既不妄生。自無妄殺矣。七、今世發財最難。匪劫兵擾。惡訟糾纏。大冤弗申。豺狼當道。迄無寧日。必使同歸於窮而後已。互爲因果。變亂乘除。民生不堪問矣。政府負保障人民財產之責。即應義務保險。負維持治安之責。即應負責滅匪，負主持公道之責。即應負責審判。故凡被匪劫者。由政府照被劫者出入賬清物賬賠償之。破案後犯人補償罰款及利金。保內每產一匪。科該管保長區長縣長各二十元罰金。訴訟由保長判決。不服時得上訴保長於區長。如區長否認原判。保長得賠上訴人損失。區縣類推。限制外縣人入境。以清盜匪。縣全民軍事訓練。以固縣防。八、肯爲後人遺產者。方應繼承前人遺產。此爲最公道辦法。不肖子女所爲。多反父祖創業之道。絕非遺產人所願。故取消子女繼承。遺產由保長保管。而保長須有相當財產資格。一旦死亡。亦歸後任保長保管。是準備遺產人。方得保管遺產也。故曰有條件繼承。九、祖先之恩。不可忘也。惡父母除外。故保祀。祀保偉人。區祀。祀區偉人。縣祀。祀縣偉人。十、迷信耗財。危害邦國。但有時維持人心。故規定兩可。爰將本期條文列左。

五、保查賬員每年終比較各人財產數目。保列保榜。區縣類推。由縣組全縣聯保銀行。其組織細則另定之。發行縣公債。責成保查賬員。澈查各家資產負債表。凡負債之家。

由縣政府償清之。所欠縣款。永無利息。冒報者。除認作無效外。科報主及保長各原額百分之一罰金。作該管執行人獎金。謂之濟貧。以下各條罰金用途仿此。此後除天災兵禍。經保會認為有正當理由外。任何家長不得負債。違者除解散該家庭。強迫傭工外。按錢數比例。笞杖其軀。杖數由縣會議定之（假定負債二十元杖一。二千元以上皆杖百。保會未成立前。由保長協同本保各家長代行職權）凡營業得有資本五倍之保。亦准以資本對外作五倍之保。其係無限公司者免保。十家相連。公舉甲長。十甲相連。公舉保長。十保相連。公舉千長。以上萬長十萬長類推。以保為單位。奇零附於最終之甲。罪人盡產賠償。尙負之債。由同甲九家平均賠償。再不足時。由同保九十家平均賠償。餘類推。無人連者（如乞丐賭徒癡棍預備匪準漢姦之類。凡無恆產者謂之預備匪。危害抗敵者。謂之準漢姦）因於負債生產所。強迫生產。永無人連。永年監禁。該所施行細則另定之。凡餘資之家。須投資自營保營區營或縣營商店工廠。不得窖藏。或存在外縣銀行。違者以匿名存款論。除天災兵禍。經保政府認為有正當理由外。敗壞他人已成產業者（如子敗父產。掌櫃敗財東股本等）除責賠

母金及利息外。科原額百分之一罰金。提高法定利率爲月息二分。卽劣。但不經訴訟。可任貸借兩方之便。債務人不能償債時。債權人有證人證物（凡寫欠碼得債務人蓋章或簽字。方爲有效）可向該管保長照原借母金利息。或原欠數碼領取。保長再向原債務人索償。延欠者適用法定利率（謂之農村信用合作。亦稱信用保險。）

六、除法定尊親屬外。凡先罵人者。無論具何理由。經二人以上證明。科一元罰金。凡先毆人者。無論具何理由。經二人以上證明。科二元罰金。法定尊親屬。罵人語句。毆人形式。由縣會議定之（謂之懲治鬥毆）凡被匪劫者。保政府照被劫者出入賤清物賬賠之。破案後犯人補償罰款及利息（謂之政府義務盜匪保險）保內每產一匪（漢姦反動黨員亦以匪論）科該管保長區長縣長各二十元罰金（謂之負責滅匪）殺人放火劫財。既着手進行。科百元罰金。若已達到目的。除迫還目的物外。科一倍罰金（死罪論抵。或以錢抵命。暫時闕疑）凡外縣人入境。須經邊境警察許可。發給符號。或其他顏色標記。書明縣區保籍。經過地域。居留時日。擬辦事項。担保機關。違者查禁。不服者。送縣押解出境。但因國道省道乘公共車船。由交通機關

。保證暫時過境。不居留者。不在此限。到居留地得與逆旅主人辦理坐手續。如無人連。該居留地長官。得與連坐。但得限期出境。其不能如期出境者。仍得辦理坐手續。一機關之連坐。自行辦理之。無論法人或自然人出境者。得將本年度內三賬。其係居留人。得將居留期內三賬。繕清一份。呈該管查賬員核對無訛存查後。方准放行。違者扣押。縣全民須受軍事訓練。其細則另定之（此上六條。澈底實行。即足富強中國。以下至十二條止。實行權由縣會決定之）

七、父母得任子女法定生養教費。以六歲為學齡。違者保長代發其費。責令該父母償還。並科二元罰金。自殺子女者。科殺傷罪（一切罪名。除死罪尙待考究外。均易科罰金。其數額由縣會議決之）賣子女者除追還賣款外。科兩造各五元罰金。未經滿十六歲男女本人許可。父母主婚者。解除除婚約外。科二元罰金。未滿十六歲且無百元恆產（教育資格亦視同恆產）及婚保者。不准結婚。違者除強迫離婚外。科三造各五元罰金（介紹人為第三造）保婚人以有恆產千元以上為合格。所保以一對夫婦為限。每增產千元。得多保一對。如結婚人死。即以遺產籌子女法定生養教

費。不足者得保婚人代之。婚喪讌會費。不得過本年贏餘二分之一。如無贏餘。即不准辦。違者科化費一倍罰金。女子不天足者。每年科一元罰金。

八、保會得逐年議決宣告稅率。未成年入法定生養教費。犯人衣食住費。並按經濟人口狀況。議決保遺產用途（如人口過剩即提高結婚資格。加重稅率。否則反是）區會縣會類推。保初中公費生。區高中公費生。縣大學（專科附）公費生。各設若干名。由各該會議決之。其各考取細則另定之。訴訟不得收訟費。由保長判決。如一造或兩造認為違法。得上訴保長於區長。如區長認原判為合理。上訴人得賠償保長工資店費。及因上訴所生一切損失。如否認原判。保長得賠上訴人工資店費。及因上訴所生一切損失。區縣類推（謂之負責審判）

九、取消子女繼承（但父母得任法定生養教費）遺產保長保管之。代生特定利金。其利額由保會議決之（謂之有條件繼承。資本集權）遺物保政府估價賣出。子女願買者售五折。保長得担保所管遺產母金利息安全。違者除責賠外。科原額百分之一罰金。區縣類推。

十、指定公墓。火葬或土葬。按習俗季節（如清明除夕雙十節之類）舉行保祀。祀保偉人。區祀。祀區偉人。縣祀。祀縣偉人（遺產在一保。謂之保偉人。在一區。謂之區偉人。在一縣。謂之縣偉人）凡棺衾香紙紙人紙馬擇日卜地許香火唱願戲星命堪輿巫卜等迷信費。擬取締之。違者科兩造各一倍罰金。凡墜地除經保政府認可尙能造林。或堪作古蹟。或特許立墓立塋外。均平而耕植。凡棺衾以下。不願實行者聽（謂之迷信兩可）

清財濟貧農村信用合作理由 窮則亂。亂則殺。民生蹙矣。故蕩子造窮。爲必不可原之罪惡。該條保障金融安全。治蕩子。濟貧乏。清姦宄也。

懲治鬥毆負責滅匪理由 勇私鬥，怯公戰。古有明禁。鬥毆爲人命殺傷之源。設官不應有匪。有匪何用設官。保甲完善。無由產匪。產匪卽保長覆贖。區長以上。層層節制。責難倖貸。故皆謂之。

限定恆產保婚規定生養教費懲治出賣兒女取締婚喪浪費理由 男不妄聚。女不妄生。有一孩卽有一孩安置。可免人口過剩。焉用立孤兒院。買賣人口爲娼妓之源。父母主婚容易造成買賣婚。婚喪浪費。每以傾家蕩產。故均限制之。

取消子女繼承責成保長保全遺產理由 世世堯舜。雖無天下。亦創天下。世世桀紂。雖有天下。終亡天下。故世襲除成全暴君蕩子外。罕見其益。恆因遺產魔力。淫人妻。姦人女。殺人命。破人家。亂人國。壞人名譽。人類之惡。多由此起。勤儉人數世成之不足。敗家子一夕破之有餘。豈不痛乎。遂使惡人天生福。善人惡人奴。罪惡所積。蕩子本身。亦少善果。善夫疏廣曰。子孫賢而多財。則損其志。愚而多財。則益其禍。今夫父殺人使子償命。子殺人使父償命。必曰不可。是罪惡不可繼承也。今鉅萬財產。私相授受。其禍豈止搶劫哉。故取消子女繼承。然古人遺產。應加意保全。於責成保長保管。佳子弟主持保政。不但保管父祖遺產。且保管他人遺產。繼承外有繼承。惡子弟自甘墮落。不但無由繼承。且禁錮其身。破敗外有破敗。剷除敗家之子。保全創業人勤儉成績。自臻富強。

迷信兩可理由 迷信之害。人習知之。誤事耗財。不一而足。然鬼神有無。聖賢難言之。子貢問於孔子曰。死者有知乎。將無知乎。子曰。吾欲言死之爲知。將恐孝子願孫妨生以送死。吾欲言死之無知。將恐不孝之子。棄其親而不葬。賜欲知死者有知與無知。非今之急。後自知之。子路問事鬼神。子曰。未能事人。焉能事鬼。敢問死。子曰。未知生。焉知死。墨子明鬼。謂祭祀可合歡聚衆。夫崇拜宗教。爲高尚情超。文明國所弗禁。唯物史觀破壞宗教。終爲多數人所不喜。或謂迷信維繫人心。些

小化費。得足償失。竊思揆諸信仰自由之原則。差爲近是。然全國每年迷信費。統計數亦足觀。爰定此條。

本期預期結果有二十 一、縣銀行爲縣民增謀生機會。二、濟貧辦法解除無告民衆苦痛。三、担保營業可保全股本。鼓勵投資。增多商店。四、經濟連坐。可清除姦盜。甚至預備匪準漢姦亦一網打盡。五、懲治敗產可長守富貴。六、農村信用合作。可改現金交易。爲信用交易。以現金作縣銀行資本。再由縣銀行向外縣低利借款。繁榮本縣。不富自富。七、澈查各家資產負債表。國家可按財產提成徵用。方不媿有錢出錢。八、經濟連坐。散兵游勇。逃無可逃。國家可按壯丁名冊。隨時徵兵。此之謂有力出力。九、懲治鬥毆。可根絕亂源。十、負責滅匪。可消滅匪禍。十一、限制外縣入境。可杜亂源。助政府緝拿人犯。查獲逃兵。十二、全縣軍訓。可固國防。增厚國力。十三、強迫父母任法定生養教費。可免幼兒失生失養失學。十四、取締父母主婚。可減怨偶。與出賣子女。十五、婚保可全孤兒。十六、限制婚喪讌會費。可減蕩子敗家危機。十七、結婚限定恆產。可免人口過剩。與婚後苦痛。不妄生自無妄殺。十八、法定生養教費。犯人衣食住費。可實現眞平等。十九、負責審判。可減訟師作惡機會。以至無訟。二十、取消子女繼承。責成各級長官保全遺產。則無可敗之產。可窮之

家。完 總理之民生。躋國運於大同。

第三期經濟民權計二條限兩月辦竣

付款十元者。買價值十元之物。付款萬元者。買價值萬元之物。所謂義務權利相對待。乃人文自然法則。不容或爽也。有產人之產。對國家既盡相當義務。應享相當權利。况其結局。均變象爲國家所有。蕩子或假遺產以爲惡。乃世襲餘毒。可謂例外。與本方案不可同日而語。故按財產資格定選舉權決議權。夫銀行行員。郵政局郵務員。均須有保。官吏責任。大於行員郵務員。奚止百千倍。故選舉人得以財產全數作所選人担保品。爰將本期條文列左。

十一、不論男女至二十歲（再多幾歲亦可）得經濟獨立。不願獨立者。准爲集股式家庭（仿商人集股營業。定勞金股分。根本經濟。仍是獨立。謂之集股式家庭）經濟已獨立之人或家。得將財產報告保政府。其不動產價額。由保財團估定之（保有財產人組成團體。謂之保財團。亦稱保議會。簡稱保會。區財團亦稱區議會。簡稱區會。縣財團亦稱縣議會。簡稱縣會）凡法定教育費。以二或某數倍之。亦認作該受教育人財產資格。以財產數目定選舉權決議權（例如有產百元。有百元選舉權決議權

。有產千元。有千元選舉權決議權。奇零亦算。不論票數）

十二、以保財員（保有財產人經濟獨立謂之保財員）全體或舉代表爲保議員。組織保會。由保議員中選舉保長。非現任本保議員。不得爲保長候選人。由保長中選舉區長。非現任本區保長。不得爲區長候選人。保長被選爲區長後。再由該保補選保長。以保長兼任區議員。組織區會。區長兼任縣議員。組織縣會。財產在一保。得本人或舉代表爲保議員。在一區得本人或舉代表爲區議員。在一縣得本人或舉代表爲縣議員。但願分行其選舉權於各保或各區者聽。保及保會。區及區會。縣及縣會組織法另定之。凡選任官。上級官可撤免下級官。不得任命下級官。下級官可選舉上級官。不得罷免上級官。但得聲明撤保（謂之上下均權）二年一任。連次當選得連任。非選任官。由主管長官任命之。不定任期。對該長官負責。該長官即等於其選舉人。得負擔保之責。無保不得充任何官吏。官吏得以恆產全數自保。作違法時賠償。選舉人得以財產全數作所選人担保品（謂之負責選舉）解除官吏連坐。惟不解除其對非官吏連坐（例如官吏違法。同連不負連坐之責。惟就中非官吏違法。官吏仍

負連坐之責

按財產資格選舉理由。欲強國必先富國。欲富國必先富家。欲富家必治蕩子。欲治蕩子。必先清財。令其經濟獨立。自然之理也。韓非子曰。今天下富者。非勤即儉也。其貧者非奢即惰也。故善必富。其不富非善也。惡必貧。其不貧。非惡也。易曰。富有之謂大業。何以聚仁曰財。理財正辭禁民爲非曰義。洪範富列五福。貧居六極。迨晉儒始以貧爲能。強以朱熹之說。爲孔子之說。尊顏貧。抑賁富。別義利。譽敗家。而世道不堪問矣。今富未必善。貧未必惡。乃世襲天災人禍作祟。例外也。非原則也。且深究之。蕩子父祖。不同蕩子。必勤儉以成。是亦善也。窮人父祖。不同窮人。必奢惰以敗。是亦惡也。同此湍水也。在美國爲白煤。在中國爲天災。是尤惡也。故世襲當廢。而創業者不可侮。階級說當闢。而窮人不可專政也。夫持現金購物。聖賢可。盜跖亦可。本方案謀國家安寧。以不溯既往爲原則。只就已有財產人。完密組織。使不得妄用產權以爲惡。定子女生養教費。改良繼承。使勤儉成績。寶貴財產。不得傳之匪人。藉免蕩子蹂躪。減其作惡機會。於人未生前已死後下工夫。則無可敗之產。可窮之家。不妄殺亦不妄生。得人類眞平等。躋國運於大同。天下不稅。四海無窮。已爲達到最終目的。至於已往財主善惡。來源正悖。分配當否。事關國民既得權。本方案無力干涉。實

不願干涉。昔法國革命。倡天賦民權。總理倡革命民權。本方案引中爲經濟民權。以爲無經濟力。直不得爲人。遑論乎權。其符古希臘富人政治微意。暗合伯拉圖理想國。視國家如商店。以人民爲股東。按股份分劈紅利。執行管理權。担保國家安全。實天經地義。不容絲毫疑慮。諸讀者思之思之。再三思之。真理萬古不磨也。又考古今中外。君子道長。小人道消。則國富強。君子道消。小人道長。則國貧弱。故同此齊也。管仲制三賢則齊霸。同此吳也。太嚳殺子胥。則吳亡。同此清也。康乾爲君。咸加四夷。慈禧爲后。割地賠款。何謂君子。創業人也。何謂小人。敗家子也。能修身必能齊家。能齊家必能治國。未有敗其家而能強其國者。以財產定人格。雖未必十分精確。然較之漫無限制。相優遠甚。建政治於經濟上。自然安定。惟世襲餘毒。敗家子或不免魚目混珠。改良世襲後。此弊自除。

各級長官兼各級議員及上下均權理由 保長由保議員中選出。自能代表全保民意。故以兼任區議員。同理以區長兼任縣議員。省許多手續與薪俸。免立法與行政機關隔閡。及上下級官吏意見紛歧。上下均權。互爲牽制。自相負責。行政效率。必然增加。

保官連坐理由。舊式選舉。公然賣票。乃法誤人。非人負法也。多一選舉。流氓無賴。多一替身機會

。茶樓妓館。利市萬家。烟肆歌臺。潤資千倍。寰世凱曹仲珊由此其選也。豬仔議員。今有餘臭。國長大會。詎能逃此前例乎。負責選舉。可免賣票。層層選舉。可省手續。弊端枝節。自然消除。欲爲國長。須由保長作起。可除紙上談兵。官民扞隔之弊。試觀任何商店。絕不出賣幽書。爲騙子作保。由此可證保官之利。官吏既有保。故解除連坐。

本期預期結果有三 一、抬高創業勢力。剷絕敗家份子。鼓勵殖產。懲治破敗。俾勤儉政策。得以貫徹。二、金融安全。信用牢固。遺產多而不能少。事業成而無以敗。全國不稅。四海大同。完成眞平等。三、組織簡單完密。領袖事半功成。姦絕亂息。物阜民康。永遠富強。萬世無疆。

全案結論

子曰。如有用我者。期月而已可也。三年有成。本方案不敢妄擬先聖。然有成亦須三年。一年可略具規模。力求政府銀行化。官吏商賈化。辦公郵政化。制度小人化。人才君子化。是非一元化。行爲生產化。生活軍事化。教育六藝化。文章四庫化。查四庫全書。分經史子集四部。我國文字。自孔子刪詩書。定禮樂。李斯造小篆以來。早已統一。古今一致。與歐洲橫行文字。各自爲國。濫造新字。隨

時橫行者不同。不惟中國統一。遠及安南緬甸暹羅朝鮮日本及南洋羣島。中國屢次分崩。散而復合。亡而不亡者。端賴斯文。各省語言雖不同。而文字則一。乃後生小子。數典忘祖。不知中國立國之道。強以文理不通之方言。妄稱爲語體文。而破壞文言之統一。竊以文言到化境。便是白話。白話極通順。則成文言。嚴格論之。頗難區別。向無人能下一精確定義。強爲區別之。則水滸傳紅樓夢之文章。與十三經廿四史。似少有區別。其通順則一也。姑認水滸紅樓爲語體。須知施耐菴生於宋末。曹雪芹生於清初。文言通順之後。始有此化境。淺人視之。以爲語體。實即最流利之文言。故雖在文言正統時代。亦無害於流行。愈腐之文言。愈多怪字僻典。堆砌成文。去白話乃愈遠。所謂滅裂害道。八代之衰是也。愈拉雜之白話。去文言乃愈甚。嘖嘖離離。伊唔支離。如人之口吃。多字而費解。繁言而不通。所謂胸無點墨。文學蕩子是也。淺嘗則文言似難於白話。深造則白話更艱於文言。學文言不成。是刻鵠不成何類鶩。學語體不成。則畫虎不成反類狗矣。兩語皆可用。則用斯語之人數較多者爲通順。人數已略同。則用斯語之時間較長者爲通順。時間已略等。則用斯語之簡捷便當者爲通順。便當已相同。則用斯語之平仄勻稱。音調鏗鏘。少字含多意。而引入美感者爲通順。四庫全書。皆合此四原則。經古人之嚴格汰選。與後生小子毫無文章經驗者不同。故本方案力主文章四庫化。讀

書仍應以大學中庸論語入手。闡明高深學術。必用通順之文言。則輕刀快馬省力省物省時。傳曰。言之不文。行之不遠。其尋常低等生活。牽強應用。不惟可用土語。亦可寫別字。然強之以爲文章正宗。而解釋科學。甚或以之考取天下才。教育天下才。則文章失去簡潔伶俐尊嚴統一完整之性。相率以爲冗長。費心力費物費時。必釀成拖累生澀。龐雜分裂。離經叛道。禍國殃民無疑。語曰。審道德能文章。大富貴亦壽考。故高等考試及大中小學招考新生。不應以僞語體文取士。教科書更不宜用僞語體文。老子孔子楊子墨子左丘明司馬遷管仲商鞅李斯王充歐陽修司馬光兩班三蘇王安石黃宗羲王船山顧炎武紀昀袁枚蒲松齡曾國藩胡林翼張之洞李鴻章譚嗣同康有爲章太炎諸哲復起。恐不易吾言。以之問少正卯屠岸賈太宰嚭趙高秦檜及輓近之國賊漢奸反動黨員。資洋化以侵其父祖者。將謂我開倒車反革命矣。稍知國情而肯讀書明理。深願中國統一富強之人。想必不河漢斯言。前六條實行。卽足富強中國。後六條實行。便可永遠大同。拾古人牙慧。集師友聰明。名爲甲著。實非一人思想。非其時非其地非其人。絕無此方案。子曰。不以言舉人。不以人廢言。一得之愚。聖賢擇焉。事急國危。不容再誤。請以辦法批評辦法。以方案修正方案。籠統理論。恕不接受。如其可也。援助實行。如其否也。盡法懲治。天下興亡。匹夫有責。幸莫作傍觀老自了漢。竊以誤國與賣國。五毒與漢奸。厥罪惟

均。甲以亡省賤俘。流離悲切。愆言東北。兩淚爲朱。志在富強。私情耿耿。冤譏之論。大德諒焉。

著者恆言十則

著者思想人格學行言論性情名譽。與本方案關係最切。恐讀者以言舉人。以人廢言。或傳聞之訛。故錄著者恆言十則。以見一斑。甲三拜。一拜秦始皇。二拜曹操。三拜 蔣委員長。乙三師。一師商鞅。二師李斯。三師王安石。丙三冤。一孔子冤。二耶穌冤。三佛老冤。丁三恨。一恨趙高。二恨朱熹。三恨慈禧后。戊三惜。一惜伯夷叔齊。二惜文天祥史可法。三惜方孝孺金聖嘆。己三哀。一哀五胡亂華之民衆。二哀宋明末世之屠殺。三哀今日走頭無路之逃難同胞。庚三惡。一惡五竄。二惡漢奸。三惡國敵。辛三愛。一愛中國。二愛國民黨。三愛祖宗父母。壬三願。一願中國富強。二願世界大同。三願本方案實行。癸三幸。一幸生 總理之後。二幸與 蔣公同時。三幸免於難。茲略釋如左。夫老子孔子如來耶穌爲多人崇拜。勿庸辭費。秦始皇席父祖餘烈。滅二周。亡六國。中國真正統一。自始皇始。廢封建爲郡縣。實政制一大發明。蓋犇奔渺茫。甚難稽考。三代稱盛。國以萬數。武王伐紂。諸侯不期而會於孟津者八百。天下分崩離析。於茲可證。春秋百國。戰國七雄。自相殘殺。白起坑趙卒二十萬於長平。內爭之烈。於此爲最。迨始皇築萬里長城。始北拒匈奴。南伐百越。李斯造小篆

。統一文字。苟無皇始。恐漢族早作芻豢之續。苟無李斯。恐漢文已分成數十國。如今之歐洲。查歐洲面積。略等中國。竟有十數國文字。德法世仇。俄意水火。巴爾幹机隍不安。地中海風雲疊起。即因歐洲少一秦始皇與李斯。昔拿破崙蹂躪全歐。馬丁路德改革宗教。歐人視爲非常傑出。神聖可喜之雄。在中國視之。不過項羽黃巢李自成洪秀全韓愈朱熹之流亞耳。既未成功。有何可貴。惟始皇李斯。實西史所無。不可因中國今之貧弱。遂並視先之長。亦略而不論也。始皇享年才五十一。設天假之年。成功更不可量。雖焚書坑儒。然在阿房宮。尙存孤本。項羽始焚之。出始皇意外。所坑之儒。亦方士迷信欺騙之徒。求神仙藥。久而無功。化費甚鉅。無以報銷。相率逃散。故始皇坑之。後人斷章取義。以爲始皇罪狀。甚不可也。惟求神仙。欲長生不死。又欲子孫帝王萬世。未能廢除世襲。乃百長一短。亦坐是亡國。吾所爲深惜者也。故拜秦始皇。曹操謀刺董卓。卒成大業。三分天下有其二。願作文王。徐母諸葛亮諸人。誤以天下當永久姓劉。反抗中央。遂成割據。人皆知五胡亂華之苦。而不知諸葛亮爲劉禪作奴隸。破壞統一。亦遠囚之一也。曹操諸子多賢。成就關公。全其忠節。均有大過人處。世人慕關義。忘曹仁。惟司馬光以正統與曹操。甚符大一統之義。故拜曹操。蔣公起而拒敵。統兵四百萬。戰綫五千里。與世界六強之一相持。夫止止六強之一。德義祖日已六強之三矣。

。或短其屢次撤退。殊不知以中日國勢懸殊。且官吏貪污。人心渙散。學說兩端。思想多元。反動破壞。成此局勢。實難能可貴。背負總理。頭頂中央。胸懷國民黨。左扶百姓。右牽列強。口吐乾坤。足踢虎狼。安內攘外。截短取長。日總萬幾。有勇知方。實始皇後僅見之聖帝明王。故拜蔣委員長。伊臯之業。周孔之成。盡人樂與比擬。我不敢望。商鞅五牛分尸。李斯夷三族。王安兩罷相。均爲小儒所詬病。殊不知此三人天下奇才。皆爲世襲所害也。使秦宋已有國民黨。秦孝公薨。商君可繼其位。則統一六國。恐不待秦始皇。始皇既崩。李斯可繼其位。則劉邦項羽。可以勿亂。焉用殺扶蘇。宋神宗時唯一政權。必屬王安石。何致兩次罷相。凡此種種。不惟商鞅李斯王安石冤。卽扶蘇胡亥韓信彭越岳飛金兀朮文天祥張世傑陸秀夫。以及秦宋末世全天下民衆。亦何嘗不冤。本方案續三彥之志。欲富強中國。故師商鞅李斯王安石。中國人口佔世界四分之一。土地佔地球大部。文字全國統一。甚至全亞洲統一。泱泱大國。富強之後。貴不可言。使輪迴說果確。願世世化生中國。故愛中國。國民黨以天下爲黨。總理先烈。黨宗黨祖也。預備黨員青年團。黨子黨孫也。元老先進。黨親主也。最高領袖。黨家長也。中華民國。黨財產也。國民政府。黨營業也。主席黨掌櫃也。官吏黨公僕也。軍隊黨衛士也。學校黨家塾也。今中央黨部。頗似清時宗人府。各縣黨部。尤類城守尉衛門。

懸掛先烈遺像。頗如太廟。惟天下爲家。太子必須皇上嫡長子。此嫡長子未必皆賢。使壽之子爲堯。舜之子爲舜。禹湯文武之子孫。爲禹湯文武。卽天下世襲。有何不可。乃事竟有大謬不然者。丹朱商均。固皆不肖。桀紂幽厲。惡超一等。闔閭之孫。必殺子胥。孝公之子。必收商鞅。始皇之子。必夷李斯。神宗之子。必廢新法。洪武之子。必族方孝儒。威廢二世。必貶俾斯麥。古今中外。加出一轍。此天下所以亂也。黨領袖不必嫡長子。由數百萬黨員。自由產出。必賢且智。故總理不以天下傳之哲公。而傳之委座。委座與哲公孰賢。自有公論。不敢妄評。將來委座。必更傳之類似委座之賢且智者。甚或過之。吾敢武斷。此其優點一。天下爲家。百姓不得請爲皇子皇孫。旣爲皇子皇孫。無論賢不肖。無法剷除。今則人人有爲黨子黨孫機會。其不肖者。可開除黨籍。如是則丹朱商均桀紂幽厲蜀後主晉惠帝慈禧后。永不得爲中國領袖。自無亂亡之禍。今國難乃慈禧餘孽。不宜妄責國民黨。此其優點二。天無二日。民無二王。天下爲家。一國不得有兩姓皇帝。天下爲黨。一國不得有兩政黨。考新興國家。如德意俄土。莫不皆然。惜我國尙未完此艱鉅工作。夫欲有所貢獻。可入黨活動。何必改弦更張。另創新黨。故愛國國民黨（本書主張由國民黨產最高領袖。可名國長。由國長組織國民政府。由各院長組織各院。由各部長組織各部。由行政院任命各省主席。由各主席保薦各廳長。院長以下

之任命。均須經國長同意。中央任命至簡任爲止。民選官吏。至縣長爲止。訓政時期至保長爲止。縣長以上各級官吏。可依法罷免縣長。不得任命縣長。嚴格保持四級制。即國民政府省政府縣政府保政府。取消專員公署區公署。一切兵馬財賦大權。集於中央。各院會部合併在國民政府辦公。彷彿各省合署辦公。非常時期除外。謂之合府辦公。機關力求簡單。性質相同者。即合併之。以一事權。設有用之官。辦有益之事。國長早晚兩次朝見。仿專制精義而易其名。則權重於上。民富於下。永遠富強。保安世界。考秦始皇漢武帝唐太宗元世祖清聖祖清高宗六君時代最強。亦最專制。秦滅於胡亥。漢終於哀平。唐衰於武曌。元分於汗國。清亡於慈禧。皆世襲之禍。非專制之罪也。今希特勒墨索里尼史丹林凱木耳等新興國領袖。靡不專制。凡政出多門。多黨多派之國。均將沒落。現仍富強。乃歷史優先勢力。如敗家子之有賢父兄。拿破崙曰。劣帥一亦優於二。故本書贊成聖君專制。惟大旨改良縣政。中央政制。不願多評。姑簡述於此。用代全豹。總理推翻天下世襲。改正五千年大錯。我得坐享其成。故幸生。總理之後。其他各節。限於篇幅。迫於情勢。略而不釋。倘有所詢。請以口答。更有聲明者。總理有狂士之名。太炎有瘋人之目。碩學如商鞅李斯王安石。而說商君辯姦論諸篇。詆毀尙且過實。竟謂斯忌非才。殺韓非。殊不知斯薦尉繚以滅六國。繚之才德高於非。且非韓貴公子

。如真爲秦。直一漢姦。如終爲韓。斯殺之大義滅親。可謂極忠。又謂安石眼多白。虱遊鬚。食釣鉤。招蝗蟲。不經之議。無謂之談。今有餘謗。然試問總理狂否。太炎瘋否。商君惡否。李斯鄙否。荆公姦否。至人已有的評。况學識地位。不及諸公萬一之人哉。夫鴉片馬啡白面海洛英。使人嗜而好之。然不可以養生。夫豈止不可哉。且以殺身滅種。鄉愿文學。騎牆理論。麻木道德。水性楊花著作。阿世取容。模稜兩可。如××性史。××文存。××自傳，××白話××史。頗獲中人以下好評。然無方案。無辦法。盜虛聲。盡大道。亂法理。惑人心。心逆而險。行僻而堅。言僞而辯。記醜而博。陋非而澤。其居處足以振徒成黨。其談說足以飾褒鑿衆。其強禦足以反是獨立。古之所謂姦雄。今之所謂學者。胡亂講解。遺禍青年。不可以格物致知誠意正心修身齊家治國平天下。夫豈止不可哉。且以敗家亡國。今之貧弱。此類學說。應職全責而尸其咎。均爲本方案驕敵。望關心富強者。勿忘公道也。

敬請讀者三事

一、諸慎用假設。勿信非理假設。反對本方案。勿疑合理假設。懷疑本方案。科學家用假設發明學理。本有益無害。然非理假設。常得荒謬結論。反盡學理。不可不慎思明辯之。例如假設東京大地震。

三島淪爲滄海。中國可不戰而勝。一切辦法可省。假設炸彈落人頭上而不死。一切防空設備可省。焉用空襲警報。假設孔子是女子。亦能嫁奸。試問有此事實否。本方案記賬辦法。亦猶是也。本據銀行郵政商家習慣。屢試屢驗。絲毫不爽。有此因必得此果。可清除貪污。查禁一切不正之費。以充實國防。臻於富強。如懷疑本辦法。是信非理假設。而疑合理假設也。請讀者深思。一切辦法。重在利害。設害多利少。無論如何。不當實行。設利多害少。無論如何。亦當實行。查記賬之害。不過爲民衆多一麻煩手續。每日數分鐘。便可成事。而其利可奠富強之基。實國家百年大計也。孰爲輕重。請讀者再思。又有人謂記賬非人情所樂。恐窒礙難行。竊以人情兩字。亦太難言。近小人情。未必近君子情。近俗人情。未必近高士情。近才子情。未必近佳人情。寶刀名馬。武夫所嗜。端視兔毫。士子所玩。鐘繇愛畫。淵明嗜酒。以之間酒癩詩狂。固同其樂。以之間田夫野老。恐尙不知其姓名也。鴉片馬啡海洛英。嗜之者重於食色生命。禁之者惡如禍水毒菌。人情相反又如是。士讀而農耕。工商進有無。警察值崗。衙署上班。官死功名兵死戰。晝以繼夜。暑以徂寒。豈皆情之所樂。迫於生計。不得不然。故記賬或非淫妻浪子。污吏貪官。敗家亡國者所願。而反爲聖帝明王。英雄豪傑。富國強兵者所喜也。請讀者三思。二、請慎用比喻。勿以他人成敗。與時地不同。批評本方案。比喻正確。固

足羽翼學理。輔助說明。引喻失義。則拒諫飾非。顛倒黑白。故爲樸學所詬病。不可不察也。例如比喻中國如病夫。誤投虎狼藥則亡。實則中國是中國。病夫是病夫。本方案豈非虎狼藥。差之毫厘。謬之千里。一誤則無往而不誤。故比喻只可添花錦上。不能基本說明。又有人謂孔子創大同。不能實現大同。中山造民國。不能富強民國。聖如孔孫。且有不能。著者不如孔孫萬一。而方案自稱能富強中國。大言不慚。答曰。孔孫是孔孫。我是我。不可因孔孫成敗。而斷我成敗。人高於山者。非比山高也。在山巔則高於山矣。銅鐵大王煤油大王之子。未必賢於乃父。而富過之。我後孔孫而襲其成。果行本方案。富強中國。實現大同。猶反掌也。今人電報。數分鐘繞地一週。今人飛機。數小時飛行千里。皆古賢智所難知。而今庸愚所易行。善夫子思曰。中庸之道。費而隱。愚夫愚婦可以與知焉。及其知也。雖聖人亦有所不知焉。愚夫愚婦可以能行焉。及其至也。雖聖人亦有所不能焉。易曰。苟非其人。道不虛行。請讀者深信勿疑。三、請服從科學原理原則。勿以無產黨專政之說。批評經濟民權。真理無敵。至善無爭。科學原理原則。久經實驗成功。爲是非善惡禍福之準繩。聖賢君子以其不世出之聰明睿智。遺之後人。應絕對服膺遵守。不容絲毫背叛。否則即不足以作人。遑論學問。萬不可自是其愚也。例如殺人償命。欠債還錢。爲法律通則。設殺人而謂功。欠債不還錢。應以強力制裁

。已承認方案足以富強中國。仍堅不實行。似應強制執行。銀行郵政索保。必限財產資格。未聞以窮爲能。本方案建政治於經濟上。保長區長縣長均負保管遺產。及全民信用財產之總責。無相當財產資格。實無以取信於人。選舉者既負担保之責。更不可空言取巧。况勤儉殖產。均變象預爲國家儲財。應獎許鼓勵之。故主張經濟民權。非厚富薄貧也。况貧富山君自爲。君欲富斯富矣。語曰勤儉無窮人。窮人不勤儉。君欲貧斯貧矣。語曰。安貧樂道。幸莫以例外天災兵禍。而委其責任於天下國家也。無產黨專政。定義如何。是否合理。有無方案及已實行而富強成例。無產漸變爲有產。將奈何。史丹林囊括全俄。現在仍無產否。請讀者反復思之。

敬問讀者十事

敢問下開十事。與總理遺教精義吻合否。甲、改良繼承與節制資本。乙、經濟民權與革命民權。丙、規定生養教費與眞平等。丁、保長區長縣長代管遺產。與共將來不共現在。戊、三賬清查貪污。與打倒土豪劣紳。己、民選保長區長與地方自治。庚、農村信用保險。營業須有資金五倍之保。查禁不正之費以事生產。與實業計劃。辛、易煙賭敗家勦匪等費。加緊築路。與廿萬里鐵路計劃。壬、本方案前六條富強中國。與知難行易。癸、人無可敗之產。世無可窮之家。天下不稅。四海無窮。與大同

。如云吻合。而反對實施本方案。延中國貧弱時間。長惡人凶鋒。滅抗敵力量。誣國家富強。是否應負背叛遺教禍國殃民之責。如云不合。請據上開遺教。擬一實施方案。果能盡美盡善。著者甘願焚此原稿。親爲前趨。如無方案。而信口黑白。則亂國誤國之罪。應由誰負。大學爲治平之書。其言曰。若有一個臣。斷斷兮無他技。其心休休焉。其如有容焉。人之有技。若已有之。人之彥聖。其心好之。不啻若自其口出。實能容之。以能保我子孫黎民。尙亦有利哉。人之有技。媚嫉以惡之。人之彥聖。而違之仲不通。實不能容。以不能保我子孫黎民。亦曰殆哉。見賢而不能舉。舉而不能先。命也。見不善而不能去。去而不能遠。過也。惟仁人放流之。迸諸四夷。不與同中國。是謂唯仁人。能愛人。能惡人。兩章應作何解。事急國危。日以當年。立言操切。明聖原之。

改良縣政實施方案與國民精神總動員

查國民公約爲精神動員最要信條。計有十二。一、不違三民主義。二、不違政府法令。三、不違國家民族利益。四、不做漢奸或敵國國民。五、不參加漢奸組織。六、不做敵軍或漢奸官兵。七、不替敵人或漢奸引路。八、不替敵人或漢奸探聽消息。九、不替敵人或漢奸做工。十、不用敵人或漢奸銀行鈔票。十一、不買敵人貨物。十二、不賣糧食或一切物品與敵人漢奸。案此儻道德責備而已。有良心

人。忠孝自不後人。不動而勸。無爲而成。無良心人。畏之以法。極之以刑。尙作姦祀科。生死當前。且所不懼。空言勸導。何濟於事哉。故忠實者苦不勝苦。動爲下品所辱。姦狡者逸不勝逸。當爲國之幸民。是非不明。惡善倒置。此國之所以貧且弱也。請申其故。夫同爲人父也。善者教育子女大學畢業。復使之留洋歸來。尙遣資鉅萬。上孝祖宗。下澤子孫。友兄弟。愛姊妹。睦三親。和九族。賑弱卹貧。恩及於鄰里國家社會。是善人義務無窮。惡者賣兒爲奴。鬻女爲妓。上敗祖產。下殃子孫。累兄弟。禍姊妹。寃三親。罪九族。放火打劫。通敵賣國。害亦及於鄰里國家社會。是惡人權利無盡。同爲人子也。善者懲志逃事。爲禹湯文武。惡者敗家亡國。爲桀紂幽厲。使禹湯文武。無賞而罰。桀紂幽厲。不罰而賞。欲不亡國。豈可得乎。此道德之所以辻腐而禍世也。善人聽其勸而益苦。惡人反其道而愈橫。夫善御者。均濟焉之勞逸。使勞焉而益鞭之。惰焉而愈縱之。則勞者死。惰者奔蹄。尙望任重致遠。有是理乎。本方案有鑒及此。以爲國民公約。爲天經地義。不容絲毫敷衍。善人既不需勸。則宣傳爲浪費。惡人必力加制裁。賴治法以圖功。請以經濟財政爲例。本方案強迫記賬。一切會計。完全公開。則金錢出入。貨品買賣。各級查賬員知之詳盡。違則科罰。例如政府禁煙禁賭禁娼禁食禁賣放壯丁。則經費賭費嫖費食費賣放壯丁費。卽無法出賬。更無法入賬。領回扣壞虛票之陋規

。可一舉廓清。貪竊之習。盡禁之費。自然改除。是不言三民主義。已行三民主義。不言遵守政府法令。已在法令之中。不言國家民族利益。已是國家民族利益。尙何違之可言。且敵鈔敵貨與本國糧食物品。均在清物賬檢查中。即欲私相受授而流通之。亦不可能。尙何不用不買不賣之可言。再以經濟保甲爲例。本方案主張經濟連坐。信用合作。盜匪保險。取締敗產。究查行旅。例如漢奸發汽油萬箱。價值十萬。不惟漢奸死罪。且沒收其遺產。賠此十萬損失。不足者由連坐之九家代賠。再不足時。由連坐之百家代賠。則人人皆爲義務警察。漢奸雖未死因此絕跡。其數必減。保長負全保信用總責。保民須有保徽章。一切衣物全須記名。持保徽章可在保有川換之處記賬。如負債不還時。可向該管保長領取。保長即須照付。再代向原欠主索償。則一保成一健全經濟團體。彷彿一小銀行。保民幾同銀行行員。自無撞騙之弊。凡被匪劫者。保政府照被劫者出入賬現金存數賠之。破案後再向匪索償。保內每產一匪。科該管保長區長縣長各二十元罰金。再完密保警察組織。則可夜不閉戶。路不拾遺。凡營業須有資金五倍之保。亦准以資本對外作五倍之保。凡敗人已成產業者（如子敗父產業掌櫃敗財東股本等）除責賠母金利息外。科百分之一罰金。凡旅客到居留地。須與遊族主人辦連坐手續。如無人連。居留地長官得與連坐。一機關之連坐。自行辦理之。無論法人或自然人出境者。須將本年度

三賬。其係居留人。須將居留期內三賬繕清一份。呈該管查賬員核對無訛存查後。方准放行。違者扣押。則人人有家。家家有保。保少一人。保長固有罪。保多一人。保長亦受罰。則散兵游勇。無處可逃。盜匪清查絕跡。尚何不替不做不參加之可言。總之國家自由多。則個人自由少。個人自由多。則國家自由少。盜匪漢奸。目無法紀。可謂個人自由之極。本方案強迫會計公開。法令所許之費。不得不化。法令查禁之費。費則加罰。干涉每一國民經濟活動。以達國家至上。民族至上。軍事第一。勝利第一。意志集中。力量集中之共同目標。可謂國家自由之極。故本方案亟言實行前六條。即是富強中國也。或曰君方案善則善矣。恐不克實行。答曰。斯語武斷。未識理由何在。孟子曰。挾泰山。超北海。是不能也。非不爲也。爲長者折枝。是不爲也。非不能也。本方案記賬。已驗之商店銀行郵政。經濟連坐已驗之契約中保。商人承架。究爲挾泰山超北海。抑係爲長者折枝。事關富國強兵。究爲大計。抑係兒戲。先請一縣試驗。與流血革命。是否有輕重之別。具體條文與空談玄理。誰爲切實。法律制裁與勸導。誰爲有效。查工作之成績在勤儉。經濟之勝利爲家資。人或不忠於人。鮮有不忠於己。卽盜匪漢奸爲自己身家謀。亦未嘗不竭忠盡智。雖成效或殊。而盡心則一。有月入數十而有餘。歲入萬千而不足者。其判卽在勤儉與否。故謂勤儉是。則有餘者是。謂勤儉非。則有餘者非。此理之

不可或移者。本方案澈查各家資產負債表。保列保榜。區縣羈推。案出入賬徵消費單一稅。則費多者稅多。費少者稅少。是勤儉者不賞而賞。奢侈者不罰而罰。如謂有錢者應出錢。則按財產比例徵收。事簡而數鉅。又安用勸募哉。此種工作比養經濟競爭方法。是否確實有效。請讀者統前各問。再思三思而一答之。子曰。不以言舉人。不以人廢言。社會科學之發明。其效並不遜於火車輪船電燈飛機大砲坦克車。此本方案所以重視精神動員。欲由道德責備。進爲法律制裁也。

改良縣政實施方案與最後勝利

西哲有言。史實重演。我國有史以來。與異族戰爭。自黃帝勝蚩尤始。年代涉遠。不克究極。三代而降。秦始皇築萬里長城。北拒匈奴。南伐百越。漢武帝遣衛青霍去病。遠征匈奴。窺索漠北。唐太宗征高麗。蹙兵安市城（卽今遼寧蓋平湯池）而還。此吾族光榮史也。晉惠帝昏庸。五胡亂華幾二百年。凌夷至南北朝。又百餘年。元滅中國八十八年。清屋明社二百六十八年。此吾族黑暗史也。今敵人憑凌。古史翻新。吾人上之則爲黃帝秦漢唐。次之則爲南北朝。下之則爲晉宋明。三者必居其一。爲不可逃之命運。今血戰三年。已成南北朝。我能短期內趨寇出境。使朝鮮獨立。則爲黃帝秦漢唐。否則爲晉宋明。誠所謂危急存亡。其間不能容髮也。語有之。知己知彼。百戰百勝。故吾人拒敵則可。

不可忘敵之長。愛國則可。不可愛己之短。甲東北人也。自九一八入關後。計出關四次。最近一次。爲民國二十五年。經大連營口遼寧長春等地。在關內亦歷北平天津上海南京漢口宜昌恩施萬縣重慶等地。並曾奉命視察鄂西十幾縣吏治。兩相比較。覺敵之可畏者有七。一、保甲完密。檢查苛細。不論在山海關或大連出入口檢查。最爲嚴酷。幾無人無物。不被搜查。強迫照像及買出關證。有時幾無一幸免。關外之旅行證。尤爲認真。幾無一游民。雖義軍尙未全無。然尋常百姓。則無敢偷行者。以視我國保甲警察之籠統含混。戶口迄無清時。逃兵隨地藏匿。各保互相坑夫。不可同日而語。二、公路暢通。電話靈便。敵人視我國人如牛馬。不問農時暇否。民力如何。短期內將各縣各鄉各村不能通不可通之路。均修築完竣。公路兩傍數百米內插小紅旗。不得種高粱。雖人民逃避。十室九空。有路無人走。有車無人乘。然公路完成。爲不可否認之事實。強迫各村用高價裝設電話。亦莫敢或違。以視我國應修之路而不修。應設電話而不設。計劃多。事務少。口號響。辦理遲。電燈不明。電話不靈。亦不可以道里計。三、販毒併村。燒家清野。每村設一鴉片零賣所。力求普遍。貨真價廉。並設少女伴吸。凡廚役車夫脚行衙役商販工人學生教員十九有癮。而白面馬啡之普遍。甚於鴉片。在安東大連瀋陽吉林長春哈爾濱等處。冬日凍斃道途者。日數千計。每年統計。不下數十萬人（見盛京時

報標題曰國恥。因義軍在孤僻之村。活動甚力。故敵人併村。將零星散戶。併在大村。火焚其居。曰焚匪窟。因而逼無生計。全家行乞者。不絕於途。強者迫爲義軍。弱者餓死溝壑。四、收繳民槍。獎設會局。民有槍枝。一律收繳。計東北約繳一千九百萬枝。義軍遍地。良民無以爲生。野彘成羣。豺狼當道。貓可捉兔。烏多拔苗。竟成反常之象。然義軍每掠敵人槍彈以爲補充。防不勝防。直接擾居民治安。間接害敵人收入。苦吾民耳。各處會局林立。公開賭博。破家蕩產。民生日蹙。五、武裝移民。強佔土地。敵派朝鮮人種水田。強佔中國人土地。雖因氣候不適。移民頗少成效。然日久年淹。東北人口日少。亦有被代之虞。六、經濟暫雖崩潰。恐不久復原。長春爲敵人新京。俗名寬城子。盛產菸油藤。驃馬亦夥。二十四年余到長春。菸油藤幾絕市。馬幾絕種。因收繳民槍後。義軍勢日張。良民不得安居。相率逃亡。關內人均歸關內。地皆荒蕪。撫順煤鑛。因煤工逃亡。幾致停工。瀋陽長春營口吉林哈爾濱等處。著名商號。靡不虧本。如聲請停業。則一街倒閉。敵人不得已。由銀行貸款維持。然所借之款。不准無力付息。且不付本。有貸款十萬。僅付數千。即取消債權者。用是銀行亦虧本。長春新建之樓房頗多。但少住戶。新開之商店。多是敵人經營。但少買主。失業失學之大中小學生。爲數亦鉅。而補習日語之私立學校。則到處皆是。營口油房甚多。遼東諸縣。多產柞繭。與大

豆同爲出口大宗。事變後。義軍蜂起。油房絲房均關閉。大豆山絲均無出口。故大連本爲出超海口。至是反成入超。據盛京時報二二四年統計。結至該年底。敵人投資東北。共一萬九千萬元。均無收獲。吉黑各縣及黑山盤山等處。均成荒地。南滿線客車車頭車尾。均載裝土之麻袋。防義軍劫車。夜行列車。均閉燈火。貨運幾全無。故鐵路各線皆拆本。然據我親見親聞。義軍領袖。多數成仁。官不擾民。民卽自生自養。時間稍長。經濟卽復原。况敵人保甲警察完密。酷法嚴刑。吾輩萬不可過信義軍實力。遂謂敵人在淪陷區無辦法也。七、殺人樹威。訓練棒隊。敵人殺人方法。有出人意料之外者。

- 1 喂狼狗。敵人軍用犬似狼。故俗名狼狗。敵捉義軍。剝其全衣。投狗養。狗先噬喉。再噬腹。而人始亡。血肉狼藉。敵環視而笑。聞只大石橋一處。如此死法者。不下數千。
- 2 凍殺。東北天寒敵刺義軍全身衣服。自首至足。澆冷水。則凍如水柱。以棒擊之。冰聯人皮片片落。再澆冷水。冰凍如前。再以棒擊之。人始絕氣。
- 3 機器殺。推人於機器室內。愛呀一聲。骨肉已成泥漿矣。
- 4 井殺。聞遼寧有殺人井。深不可測。墜人井中。死不見尸。故事變後遼寧人常有失蹤者。
- 5 漂殺。營口敵人常檢柵形跡可疑之學生。投諸遼河。
- 6 活埋。令人自掘坑。首向下埋。只露兩足。
- 7 磔殺。以麻袋裝人由永塔上釋下。血星四濺。如卵投石。
- 8 割頭。余二十五年五月由營口上船。值兩日警檢查旅客。內有一

義軍暗藏手槍。連發兩響。兩警立死。義軍從容逃去。敵於是捕旅客三十餘人。以辣椒合水由口鼻灌入。俟腹大如鼓。以足擠之。則七竅流血。人不能堪。甚或死亡。多自承爲義軍。第一次殺九人。第二次殺四人。皆割頭。敵兵用刺刀執行以爲樂。敵人率中國警察與義軍戰。出時滿身子彈。歸則顆粒全無。蓋全以接濟義軍。敵人不得已。每次出發。只發三粒子彈。歸時須繳還彈殼。方能報銷。警察與敵兵相間。敵兵在前。則義軍擊前。敵兵在後。則義軍擊後。敵兵在中。義軍又擊中。如此三次。所殺皆敵人。敵人怒。疑居民與義軍通。捕其戶長六排半（東北十家爲排。卽六十五人）盡殺之。警察槍枝。時爲義軍所奪。敵人乃不發槍。以與槍等長之木棒。訓練警察及壯丁。俗稱棒子隊。縣指導官出衙。命棒子隊相背立。每隔丈餘立一人。有時接連數百里。總之。敵人暫時在淪陷區。人力物力。雖不克完全利用。治安經濟。尙未健全。然日久恐爲朝鮮台灣之續。昔清亡中國。卒爲中國同化。須知滿人文化。不如中國。文字亦不健全。况天下世襲。時易庸主。以咸豐之昏。慈禧之惡。總理乘之。始有辛亥之光復。然元氣損失。卒成今日之局。設敵人滅我國。非清可比。用科學統治。我國文化經濟。將隨之俱亡。蓋敵人爲內閣政治。天皇徒擁虛名。其永無慈禧內閣。可斷言也。卽總理復生。亦難光復。因敵本島國。交通甚便。政情地理。酷似英倫。印度以三萬萬人口之衆。竟亡於一

東印度公司。今尙受英人統治。可爲殷鑒。故此次抗敵。爲千載一時之機。存亡之分。人鬼之判。宜勝不宜敗。此敵之所以可畏也。然我國必不亡之正大理由亦有六。一地大。二人多。三物博。四領袖聖明。五國際多助。六士兵多農家子。忍苦耐勞。敵衣粗食。污水草鞋。亦能作戰。與明末清初情形。大相逕庭。然此須人活用。地大而不統一。人多而爲漢姦。物博而不開發。領袖聖明而不服從。國際多助。而自遺伊戚。兵士吃苦。而愈刻削之。雖子牙復生。恐亦無可奈何於桀紂幽厲也。用是不揣冒昧。請作逆耳之言。竊以我國欲速勝。必行下列十二項。否則雖勝。恐亦太遲。如百年而後勝。則與亡國何異。此下開諸項。所以刻不容緩也。一、國民會計。均應公開。以剷絕貪污。昔東北軍每月薪爲四元零八分。然發餉手續。由師部到連部。即歷九個月。(此余親聞一下級軍官口訴之實情)師長旅長營長連長排長層層作弊。最高當局。雖知之亦無可奈何。士兵爲之謠曰。窮排長。富連長。不窮不富是營長。特務長管理伙食。擅作威福。均爲長官親信。明明吞漏。莫敢誰何。而士兵衣食住之苦。遂不堪言喻矣。夫浴血抗敵。端賴士兵。待遇如此。何怪其逃亡相繼。却掠民財哉。夫階級絕對服從。用以作戰則可。用以侵漁士兵。豈得爲平乎。此不過指其一斑耳。各衙門庶務會計。領回扣。填虛票。公開作弊。雖有審計院與公庫制度之推行。何礙官吏貪竊哉。假擬購飛機預算爲千萬

。除作弊中飽外。真用以購飛機。未必百萬。又何怪飛機少於敵人哉。爲今之計。欲求速勝。必打硬仗。攻堅城。只討國際小便宜。坐待其變。恐無甚大效。即使有效。亦去虎來狼。非建國之遠也。故應自力更生。假使敵有飛機五千架。我即應有一萬架。敵有常備兵二百萬。我即應有四百萬。以我國之大。軍備加敵一倍。本有可能。今所以不能者。民力民財。未能集中使用。貪污中飽。未能澈底剷除。共信不立。互信不生。兵疑官。將疑帥。野多匪。朝侵民。苦樂不均。勞逸失調。賞罰倒置。是非易位。清濁不分。賊否兩可。一篇糊塗賬。舉目多貪官。何成濬曰。中國政治爲一部貪污史。實信而有徵。何怪貧弱哉。查我國二十八省。兩地方。約千九百餘縣。除淪亡者外。尙有千餘縣。每年以一縣懸機十架計。即可得萬架。三年即三萬架。竟未表現此力。是不爲也。非不能也。如謂我國真貧。試計敗家迷信費。吃唱嫖賭費。鴉片紙煙費（最近聞某縣禁煙科長。在六個月內。即貪贓三十萬元。有案可稽）剽匪訴訟費。官吏中飽費。全國數目之鉅。可供作戰數十年之用。我敢武斷（此種數目統計。俟有暇專論）若人人會計公開。則可查禁不正之費。以充實國防。萬架飛機。特其小焉者耳。

二、應嚴訓查賬員。以統制民財。今之恆言。有錢出錢。有力出力。試問誰是有錢人。一縣有若干財產。若干創業者。若干敗家子。幾多預備匪準漢奸。幾人有恆產而結婚。產優於人。幾人無恆產而結

婚。人多於產。全年出超。抑係入超。抵制外國外省外縣外區外村之貨。實情如何。恐今之縣令。皆不能答。故必嚴訓查賬員。人人會計公開。澈查各家資產負債表。則全民經濟。皆在國家統制中。可竭全力。充實國防。則勝利日期。自然縮短。三、應募鼓鑄作記賬信號。四、應徵消費單一稅。以獎勤儉。五、應經濟聯坐。以清漢奸。六、應信用合作。以興實業。七、應盜匪保險。以維治安。八、應負責審判。以清獄訟。九、應究查行旅。以杜逃兵。十、應軍事訓練。以強軍旅。十一、應取消世襲。以懲蕩子。十二、應行經濟民權。以安金融。總前十二項。皆改良縣政實施方案所有事。不惟可超除當前敵人。且奠永遠富強之基。則亞洲大同。兩國同受福。兼相愛。交相利。亦所以拯濟敵人。也。此之謂最後勝利。則黃帝秦漢唐之隆。可計日而待。庶幾助成領袖三年抗敵建國計劃。是重演光榮史。蓋歟休哉。

改良縣政實施方案與現行法令

未加深思之人。每疑本方案與現行法令衝突。此未讀本書者也。細讀之。便知本方案增加統治力量。俾現行法令之爲具文者。皆生實效。以急圖富強。條文俱在。請覆案之。查我國有史以來。向無明文特許官吏貪污。豈止不許。嚴法以繩。史不絕書。總理革命。以剷除土豪劣紳爲要政之一。然革命黨

之乾沒侵吞。所有恆有。見章太炎黨史序。何成濬曰。中國政治爲一部貪污史。驗之事實。並非過甚其辭。政府所欲者此。官吏所爲者彼。何怪敵人攘我十數省哉。比附湖南槍決兩縣長。以貪污故。竊爲此兩縣長鳴不平。如貪污即應槍決。應將全國主重權之官吏。全槍決之。何則在此糊塗賬目下。幾無官不賊。無事無弊。不過有大小多少隱顯明暗露不露幸不幸之分耳。卽爲清官。亦無由證明其清。無人相信其清。所謂會計處審計處監察院。孰非具文。何礙於官吏之貪。制度如此。豈官吏本身之罪哉。善夫莊子曰。竊鎊者誅。竊國者侯。侯之門仁義出焉。古今一軌。曷勝浩嘆。故本方案力主會計公開。欲查清官吏賬目。必查清百姓賬目。多此一種麻煩。可了萬種麻煩。已驗之銀行郵政。早有成效。故定三賬。置各級查賬員。其事則大。其法則簡。所謂治國容易齊家難。知難行易也。此其一。我國現行行政制。不惟官侵民。大官亦侵小官。國政府忘其爲國政府。而辦省政府應辦之事。省政府忘其爲省政府。而辦縣政府應辦之事。縣政府忘其爲縣政府。而辦區公所聯保辦公處應辦之事。甚至干涉每一百姓之私行爲。上下交爭利。此之謂市與鄉爭民。朝與野爭治。日日調查。時時填表。在官談民生。關門造統計。各縣清查戶口之報銷。動則鉅萬。而人口之不清如故也。清丈地畝。土地陳報之說。甚爲塵上。未增國入。先耗國帑。實際成績如何。恐職其事者。自有良心之答。其他稅收官吏之

財發萬金。大腹便便者。更不克勝道矣。聞某縣長言。中央能直接命令縣政府之機關。不下三十幾個。此發一表。彼令調查。辦不必要之事。行不必要之文。而最要之會計。爲國計民生所繫。縣長得資以作弊者。反嚴守祕密。諱莫如深。故本方案力主征消費單一稅。按國民出入賬消費額比例征收。以保政府爲基礎稅收機關。區政府按保政府總稅額提成徵收。縣政府省政府國政府準此類推。其他田賦等稅全免。可免土地陳報清丈之煩。除入口稅及發行紙幣交通郵政等中央特權由中央辦理外。國政府只管理省政府。不得直令縣政府。省縣區準此類推。則上下職權分明。可增行政效率。此其二。我國保甲制度。發明最早。亦爲維持治安之不二法門。成效甚著。管仲驗之齊。子產驗之鄭。商鞅驗之秦。王安石驗之宋。會國藩胡林翼驗之清。日本驗之台灣朝鮮。惟古時經濟制度。不如今之完善。故只行政治保甲。即收大效。今則經濟勢力。大於一切。英人以一東印度公司。竟亡印度。可爲殷鑒。我國現行保甲。徒有其名。而無其實。所謂甲長保長聯保主任多爲各縣爪牙。地方豪劣。供驅策。擾百姓而已。故漢奸橫行。逃兵徧地。遊民盈野。匪案迭出。尤以訟累煙賭。爲害最烈。只就禁煙一項言。屢戒不悛者槍斃。執法不爲不嚴。種實運販者同科。懲罰不爲不重。以雷霆萬鈞之力。行獅子捕兔之驚。然而政府禁於土。姦民賄於下。禁煙有年矣。試問成績如何。行都爲首善之區。巴縣本義輔之

地。然一檢煙民數目及辦理禁煙人員之作姦犯科。尙謂中國不當亡。恐無人敢信。他處之禁政。不問可知矣。故本方案力主經濟保甲。以一保爲一經濟團體。保長如銀行行長。保民如銀行行員。信用合作。會計公開。負責審判。負責滅匪。凡被匪劫者。除罰該管保長區長縣長外。並由保政府代賠被劫者之損失。移郵政銀行公司之法於保甲。互相担保。一保如一小公司。一國如一大公司。則煙不禁而自禁。匪不除而自除。國不富而自富。兵不强而自強。漢奸游民。不須檢舉而自檢舉。則寇退虜亡。天下大同矣。此其三。聞我國將征遺產稅。然在此會計秘密情形下。一轉手間。恐人人無遺產矣。尙何稅之可言。無非爲徵稅人員。多一勒索機會。苦吾民耳。故本方案力主澈查各家資產負責表。取消子女繼承。除子女法定生養教費外。凡人遺產。卽爲該遺產人永遠私有。由保長代爲保管。除保全母金外。並生特定利金。遠則除責賠外。並科百分之一罰金。則遺產雖經萬古。亦無破敗之虞。既可紀念古人功德。又可增厚國力。用以作交通行政國防教育養老等各項基金。則全國可以不稅。與遺產稅之徒供征稅人員勒索。國家有征稅之名。無征稅之實者。相去不可以道里計。且查遺產稅原意。不過欲限制蕩子敗家。節制資本。以實現民生主義。取消子女繼承。正所以完成遺產稅精義也。此其四。總理主張革命民權。故以天下爲黨。竊思國家如一份股份有限公司。入股金者。方爲股東。始得分紅

利。不入股金。即非股東。而妄思擊紅利。非盜即匪耳。爲排除盜匪思想。故本方案主張經濟民權。試觀今世新興國家。靡不一黨專政。德之國社黨。意之法西斯。俄之蘇維埃。我之國民黨。雖主義不同。而一黨則一。英美法日。雖有多黨。然皆一主義。人必有經濟力。始克革命。須知人身亦經濟之一種。故經濟民權甚符革命民權。此其五。總之。本方案爲三民主義辦事細則。繼總理之志。述總理之事。補現行法令之不足。複先哲先聖之已發。萬殊而一本。殊途而同歸。以查賬爲開宗明義。以大同爲至善極功。拾古人牙慧。集師友聰明。所謂明德新民格物致知誠意正心修身齊家治國平天下者。似不外此。讀者幸莫以人廢言也。

改良縣政實施方案與憲法

今日制憲之尊甚高。一若憲法完成。便可長治久安。此不思之甚者也。哀公問政。子曰。文武之政。布在方策。其人存。則其政舉。其人亡。則其政息。人道敬政。地道繪樹。夫政也者。蒲蘆也。故爲政在人。從來治人治法之爭甚烈。竊以治人必能造治法。其不能造治法者。非治人也。故堯舜禹湯文武周公孔子以及子產管仲商鞅李斯王安石華盛頓孫總理。均號稱治人。靡不各有治法。故治法雖要。然造法行法在人。是治人尤要也。故各國多習慣法。謂之不成文法。考其來源。亦治人之特徵耳。

我國堯舜禪讓。禹始傳子。湯武征誅。而天下爲家。遂成習慣法。相沿數千年。莫之或爽。然試問專制時代之成文憲法何在。英法美號稱立憲國。然美總統不得連任。憲法並無明文。各黨競選。重金收買亦豈憲法所許哉。英法因應時變。而新設之機關。多未載在憲法。甚或與憲法衝突。往往因以修改憲法。尤不乏其例。至於德意俄土之一黨專政。因人而立法。好惡由一人。其所謂憲法。直一人之法。更不須論矣。故憲法而爲具文。有等於無。雖百次制憲。何益於國。天壇五五兩憲法是也。憲法而有實效。雖不成文亦佳。則謂中華民國已有不成文憲法存在可也。惜盲者不能視。瞽者未之聽耳。案總理主張革命民權。以天下爲黨。今以中央黨部代國會。省黨部代省會。縣區黨部代縣會區會。國民政府對中央黨部負責。以國府主席代國王。省主席代省長。委員長代海陸空軍大元帥。如此種組織。能統一中國。戰勝敵人。則永遠保存可也。如竟失敗亡國。自受天演淘汰。恐亦非空談制憲者。所能左右也。利不百不變。何必多事聲張。案國民黨立黨五十餘年。入黨不惟是國民權利。亦是國民義務。其中貪官污吏。腐化分子。固不能曲爲之諱。然滅滿清。一中國。療民瘼。拒寇讎。成今之戰局。遂謂一無可取。而欲推翻改造之。豈持平之論哉。故今之唱民主。談制憲者。多異黨爭權之謀。搆陷人心。動搖國本。本方案所不敢苟同者也。然謂今之不成文法。已盡美盡善。吾斯之未能信。謹標兩

義。就正讀者。一國府主席委員各院長等選任官任期問題。竊以堯舜禪讓。堯崩舜繼。是以天下爲身。秦始皇漢武帝唐太宗元世祖清聖祖清高宗六君時代。我國最强。亦皆終身爲天子。美總統四年一任。英內閣不定任期。對國會負責。國會提出不信任案。內閣即須總辭職。德意俄土之領袖。雖有任期。實亦終身職。本方案極端崇拜堯舜。故贊成天下爲身。然只以最高領袖一人爲限。次要者亦當定任期。連次當選準連任。現行政制似已行此。是當當永久保存。二最高領袖繼承問題。堯舜禪讓。夏禹王以後。天下始爲家。人間不肖之子多。聖賢之子少。故桀紂幽厲晉惠帝慈禧后之惡。反得爲君。實爲數千年來禍亂之源。查明治維新才數十年。竟有今之富強。我國內亂外患相尋。尤以甲午庚子諸役及戊戌政變。最爲無道。慈禧一人。應職全責。幸總理成功。傳位委座。始有今日之局。案委座仍由中央黨部選出。然此不過形式耳。委座之得主重權。實由於總理信任。故曰傳位委座。請讀者勿以文害辭。以辭害意。故本方案願最高領袖生子爲丹朱商均太甲。勿爲禹子啓周武王。換言之。即欲領袖爲堯舜。爲總理二世。不欲其爲夏禹王商湯王周文王也。考歷代立新君。多以遺詔。並口囑願命大臣。處理不得其道。因而臣弑其君。子弑其父。兄弟骨肉相殘者。史不絕書。伊尹放太甲。爲桀制君之始。三叔監殷。三叔以殷叛。流言於國。謂周公將不利於孺子。周公東征三年。始誅三叔。

。爲兄弟相殺之始。隋煬帝弑父弑兄而自立。唐太宗用十八學士。殺建成元吉。始得爲太子。宋太祖疾革。晉王一人在側。窗外只見燭影斧聲。晉王時坐時離位。俄聞帝大呼曰。好自爲之。遂宴駕。明燕王逐建文帝。命方孝孺草登極詔。方大書燕王篡逆四字。燕王曰。卿不爲一身惜。獨不爲九族惜乎。方曰。十族又將奈何。燕王怒。斫其手。方血書篡字。紅透一磚。遂夷十族。師生亦族。誅連三千餘人。今重慶南溫泉。有建文峯。峯有寺基。建文爲僧處。燕王歿。永樂迎建文帝還京。卒於宮。清康熙廢太子後。不豫立太子。書遺詔置金殿正大光明匾後。傳位十四子。雍正派血滴子竊而改爲傳位于四子。康熙孺留。惟雍正任側。帝知爲所誤。大罵。擲朝珠擊之。雍正命年羹堯手握康熙喉。帝遂崩。雍正自言康熙崩時。賜朝珠。雖事在野史。無由置信。然雍正奪國。殺其諸兄弟。由來口碑相傳。他如齊桓公小白與弟子糾爭立。管仲射小白帶鉤。桓公釋驪爲相。尊爲仲父。遂霸諸侯。桓公薨。五公子爭立。桓公尸虫出戶。晉獻公寵驪姬。殺世子申生。晉大亂。重耳逃亡十九年。始得國。亦霸天下。衛宣公娶子媳。殺其親生兩兒子伋公子壽。楚平王娶兒婦。信費無忌。殺世子傅伍奢及奢子尚。尚弟負字子胥。奔吳。相吳王闔閭。卒敗楚。報父兄之讎。鞭平王尸三百。此皆世襲之害。而爲禍較烈者。日本天皇制古時權在內閣。今權在內閣。然內閣更迭。繼而組閣者。恆由元老重臣之一言。

爲定。總之人事至曠。古猶今也。古人聰明未常不及今人。惟天下世襲。誠爲大謬。旣由總理改正。以天下爲黨。始有國民政府。然則最高領袖。可否承總理微議。祖述堯舜。憲章歐美。上律天時。下應人事。徵今證古。博采中外。在彌留時。亦用遺囑方式。決定黨內繼承之領袖。以黨元老代顧命大臣。共扶新領袖統治中國。演成不成文憲法而共守之。嚴禁異黨活動。以免篡弒分爭之禍。造永遠富强大同之福。此本方案所以重說不成文法。而視學究先生之成文憲法。爲廢物具文也。愚者于慮。不無一得。幸垂察焉。

改良縣政實施方案

(版權所有)

中華民國十五年十二月初版

(改良縣政實施方案一冊 定價國幣二元)

外埠加郵匯費

著作兼發行者 遼寧任光甲

總經理處 重慶中一路三八〇號
正中書局服務部

印刷者 南方印書館
營業處：重慶民權路(即都郵街)三十七號

印刷廠：重慶南岸海棠溪鎮敦厚下段九十七號

575



KBC
IG
593.62
598